



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

31. Primum Breve S. D. N. Innocentij Papæ ad Episcopum Apamensem.

urn:nbn:de:hbz:466:1-38277

mone conscriptum Parisijs hoc usque transmissum est; sufficit inquam. Beatissime Pater, ut omnia impendam, & ipse superimpendar, si Deus Optimus Maximus, sicut desiderium suggestit, ita vires subministret, idque Vestra Sanctitas suis precibus impetrat.

Dabit, Beatissime Pater, veniam Sanctitas Vestra, si res tanti momenti, cuicunque aliunde remedium, quam à Sanctissima Sede non possit adhiberi, breviori Epistolâ non potuit exponi. Scio Sanctitatem Vestram plurimis iisque gravissimis negotijs distineri; sed cum Rex Christianissimus invictissimas rationes & humillimas preces (ut causæ meritum postulabat) non audierit, ad solitum afflictorum Episcoporum præsidium recurrentum fuit; nec vanam fore spem, licet fecerunt vociferentur adversarij, ut & meum & aliorum Episcoporum frangant animum, confidit.

Datum in Ædibus B. Mariae de Sabart. Die 8. mensis Novemb. anno vero 1678.

BEATISSIME PATER,
Sanctitatis Vestra

*Humillimus & obedientissimus in Christo
Filius & famulus
Franciscus Episcopus Apamensis.*

Documentum XXXI.

Primum Breve Sanctissimi D. N. INNOCENTIJ
Papæ XI. ad Illustrissimum & Reverendissimum
Episcopum Apamensem.

Venerabili Francisco Episcopo Apamensi
INNOCENTIUS Papa XI.

Venerabilis Frater, salutem & Apostolicam benedictionem. Molestiarum & incommodorum, quæ protuendis

Q. 3

tuendis

310 Dissert. I. § VIII. Documenta ex Gallico

tuendis juribus Ecclesiæ tibi commissæ sustinere te scribis;
Nos quoque maximam in partem venimus, ad quos in
primis pertinent damna & offensæ, quæ Christis Dei infes-
runtur. Gratulandum tamen potius, quam dolendum est,
fraternitati tuæ, de hujusmodi adversis, ex quibus copio-
sa tibi seges enascitur exercenda virtutis & constantiæ Pa-
storali; cui quidem magno incitamento & pari solatio
esse non dubitamus Dei promissum, tribulationem pro
ipsius causa patientibus cælestem opem, ac tandem mer-
cedem magnam nimis non defutaram. Quod ad Nos at-
tinget, Regem Christianissimum per litteras diligentissimè
scriptas rogavimus, ut non solùm Apamensis Ecclesia
indemnitati consultum velit, sed etiam omnium aliarum
Ecclesiarum, quæ cùm juri, quod vocant Regalia, obno-
xiæ nunquam fuerint, recentibus tamen Regij senatus de-
cretis contra omnes humani divinique juris regulas, ac ve-
terem inconcussamque observantiam, hujusmodi onus
subire coactæ sunt. Id ipsum omni contentione ac studio
urgere non desistemus, sicuti Officij Nostri ratio, & impo-
sita Nobis omnium Ecclesiarum solicitude postulat, confi-
si in divinae misericordia thesauris, aliquando fore, ut
idem Christianissimus Rex pro eximia atque avita pietate
sua, rei veritate melius cognitâ, alia consilia, aliam men-
tem induat. Fraternitati interim tuæ Deum totius consol-
ationis propitium usque precamur, ac peculiaris Nostræ
erga te charitatis indicem Apostolicam Benedictionem
peramanter impertimur. Datum Romæ apud Sanctum
Petrum sub annulo Piscatoris die 4. Januarij 1679. Pontifi-
cati Nostri anno tertio.

Marius Spinula.

Docu-